



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De seruo si pro qualibet culpa dominum suum ad Ecclesiam fugerit. cxcii.

urn:nbn:de:hbz:466:1-10722

De illis, qui pro aliquo reatu fugiunt ad Ecclesiam.

Cap. CXC.

IN synodo Aurelianensi prima sub Clodoueo rege, in qua sederunt episcopi vigintiquatuor, de his qui ad Ecclesiam pro reatibus suis fugiunt, id constitutum est obseruandum, quod antiqui canones decreuerunt, & lex Romana constituit, ut ab Ecclesia, vel ab Ecclesiae atriis, vel à domo episcopi, vel à claustro, quia hæc pro emunitate habentur, eos abstrahi omnino non liceat, sed nec alteri consignari, nisi ad Euangelia datis sacramentis, de morte, & debilitate, & omni pœnarum genere sint securi, ita, ut ei cui reus fuerit criminofus, de satisfactione conueniat. Quod si sacramenta sua conuictus fuerit violasse, reus periurii nõ solum à communione Ecclesiae, vel omnium clericorũ, verumetiam, & à catholicorum conuiuio separetur. Quod si cui reus est, noluerit sibi intentione faciente componi, & ipse reus de Ecclesia actus timore discesserit, ab Ecclesiae clericis non requiratur.

*Ex cõcil.
Aurelia.
cap. 10.*

De raptore, si cum rapta ad Ecclesiam confugerit. Cap. CXCI.

DE raptoribus autem fœminarum id constituendum esse censuimus, ut si ad ecclesiam raptor cum rapta confugerit, & fœminam ipsam violentiam pertulisse conuictus, statim liberetur de potestate raptoris, & parentibus reddatur, & raptor mortis, vel pœnarum impunitate concessa, liberam habeat eundi facultatem. Si verò parentes mulieris ecclesiasticis viris obedire noluerint, excommunicentur.

*Ex eodẽ,
cap. 2.*

De seruo, si pro qualibet culpa dominum suum ad Ecclesiam fugerit. Cap. CXCII.

SERuus qui ad Ecclesiam confugerit pro qualibet culpa, si à domino pro commissa culpa ecclesiastici sacramentum susceperint, statim ad seruitium domini sui redire cogatur. Et postquam dato sacramento domino suo fuerit consignatus, si aliquid pœnæ pro eadem culpa qua accusatur probatus fuerit pertulisse, pro contemptu ecclesiae, & præuacatione fidei à communione & conuiuio catholicorum, sicut superius comprehensum est, extraneus ha-

*Ex eodẽ,
cap. 3.*

beat. Si verò seruus pro culpa sua ab Ecclesia defensus sacramenta domini clericis exigētibus de impunitate perciperit, exire nolentem à domino liceat occupari.

De eadem re.

Cap. CXCIII.

Ex eodē, cap. 5.

Similiter in Matiscensi synodo decretum est, vt hi qui fugiunt suos inimicos, aut in ecclesiam, aut in atrium Ecclesie, aut in domum episcopi, aut in claustrum regularium, non inde abstrahantur, nisi prius super sacra accepta securitate à persecutoribus de morte, de debilitate, & omni pœnarum genere, sint securi: etiam si serui sint illorum, qui eos insequuntur, ita vt ei cui rei criminosi fuerint de satisfactione cōueniāt. Quod si is qui super sacra periurauerat, post conuictus fuerit iuramentum violasse, & periurii communionem priuetur, quousque satisfaciat.

De eadem re.

Cap. CXCIII.

Ex cōcil. apud Theodonis vilā, ca. 11.

REV M confugientem ad Ecclesiam, seu in atrium Ecclesie, aut in officinas regularium fratrum, vel curiam aut in domum episcopi, quia hæc in antiquis canonicis pro emunitate tenentur, nemo abstrahere audeat, neque inde donare ad pœnam, vel ad mortem, vt honor Dei, & sanctorum eius præ omnibus conseruetur, sed protectores ecclesiarum pacem & vitam, ac membra ei cum iuramento obtinere studeant: sed tamē legitimè componat quicquid iniquè fecerat: & si insequitor magistris ecclesie obedire noluerit, canonicè constringatur.

De eadem re.

Cap. CXCIV.

Ex cōcil. Arausi- co, cap. 5.

EOS qui ad Ecclesiam confugerint, tradi non debent, sed loci reuerentia, & intercessione defendi. Si autem mancipia clericorum pro suis mancipiis ad Ecclesiam confugiētibus crediderit occupanda, per omnes ecclesias districtissima damnatione feriatur.

De emunitate Ecclesie.

Cap. CXCVI.

Ex cōcil. Triburi. cap. 30.

SI quis in atrio Ecclesie pugnam committit, aut homicidium facit, quicquid pro emunitate violata ei merendum est, altario soluatur, cuiuscunque fuerit Ecclesia.